

## هه ورامان و خهزانه‌ی ده‌لهمه‌ندش

ئانه چى واتنه مهى جه كتيوهنه نه‌ويسيان به‌لام حازر و بازر جه سینه، دل و سوچا و سوچو ئى وه‌لاته ئازيز و بر به‌ره‌كەتیه‌نه بیهى ویشان سه‌لمنان.

په‌ند و مۆچيارى، قسئ وه‌شئ و پر مانیئ كه ره‌نگا هه‌ر يوشا هه‌م سه‌ر به‌رده‌ی ده‌لهمه‌ندش چه‌نه بؤ و هه‌م فير كه‌رده‌ی پاسینه كه وه‌ختو ویش، دئير زه‌مان موئه‌ت يا كه‌ل و په‌ل په‌ی نويسيايش نه‌ويه‌بو په‌وچى سه‌ول دريان پيخامه‌كه‌ی په‌ی نه‌سلى دماته‌رى ( وه‌چه‌و ئارؤى) چامنه دلئ يۆينه سمرا (كۆرت كه‌راوه)، تا ده‌م به‌ ده‌م و سینه به‌ سینه هۆر گيريو و يا وناش گۆش و ده‌سو دماته‌را.

په‌ی وه‌رگرتە‌ی جه فه‌وتياى زياتە‌رو ئى گه‌نجينه به‌ قيمه‌ت و ده‌لهمه‌نده‌يما هه‌رمانه‌ی قۆرسه يا قۆرسايى ئى هه‌رمانئ گنؤ سه‌رو شانه‌و جوانه تازه په‌نه ياواكما كه فيرگه‌نه وانا‌شا و فيرئ بيئئ، بلا شوئيه‌ره، ولاول گيلا و جه‌ميئا كه‌راوه، تا په‌ی دماته‌رينا بؤ به‌ ده‌سمايه و سه‌رهما دلئ سه‌رانه بى چيوه خاساوه كه هه‌نيما به‌رز و به‌رزته‌ر بؤ.

ئينه مشتئو چا خه‌رواربه‌نه:

" هه‌وال به‌ران په‌ی يه‌زه‌جرتئ، كاردارئ كاره‌كه‌رئ گرتئ!"

به‌زگرت دماته‌رين پادشاو ساسانيا كه به‌ واته‌و زاناکا حاكمئ كۆردئ ئيرانيى بيئئ.

دماى مه‌رپاي ساسانيا ده‌سه‌لاتو عه‌ره‌بى، بئ په‌حمى و نزم ره‌وشتئيش ياونا ئاگه كه به‌ ژهن و زارؤيچ په‌حم نه‌كريا، يا كوشتئيشا و يا كه‌ردئيشا ديلو ده‌سو ویشا. ژهنى فره‌و خه‌لكيشا به‌ زؤر و به‌ نامئ "غه‌نيمه‌تى جه‌نگئ" جه‌ كه‌سو كاريشا كه‌ردئ. پاسه كه تاريخ گيلنؤوه، هه‌ورامان يو چا ياگا بيه‌ن كه بئ په‌وشتى و بئ په‌حمى عه‌ره‌با به‌ ئه‌وپه‌رو ویش ياوان!

بالوئى ماهى فه‌رماوانش:

زؤركار ئه‌ره‌ب كردنه خاپور گنائى پالە هه‌تا شاره‌زور

ژن و كه‌نيكا به‌ ديل بشينا مه‌رد ئازا تلى وه‌ پوى هويئا

چى تاومه‌غانه كه عه‌ره‌ب ئى گرد يانه ويرانيه توشو خه‌لكئ كه‌رؤ، چند كه‌سيئ بئ مايئ كه گرد لايوه ويئنه‌شا جارجار به‌ر گنؤ، ویشان نزيكو عه‌ره‌به‌كا كه‌راوه و وه‌رو ئانه‌يه لاو عه‌ره‌به‌كاوه ویشا شيرين كه‌را زياتەر ئازار و ئه‌زيه‌تو خه‌لكه‌كه‌ى مدا.

هه‌ورامايئ په‌ی ئى كاره‌كه‌ره تازه په‌نه ياوانه كه عه‌قل و زانستئوى چامنه‌شا نيا كه ئاگاشا جه‌ خه‌لكئ هه‌زاري بؤ و غه‌بير جه‌ نؤكه‌رى چيوئوتەر مه‌زانا و با به‌ جاشئ ئيد و ئه‌وى و په‌شتى كه‌را خه‌لك، ناوو خاك و ميلله‌تو ویشا و بيگانە‌ى هۆر وچنا، ئى مه‌سه‌لئ گيلناوه كه دماو ناماى عه‌ره‌به‌كا پوهش ده‌ينه.

هه‌ر پاسه ئينه ئانه‌ى ياونؤ كه دماى نزيك به‌ 1500 سالآ ناماى عه‌ره‌بى، لاو ئيمه‌نه بيگانە‌ى نه‌تاوانش ياگئ ویش كوؤره. هه‌ر به‌ بيگانە‌ سه‌ير كرىؤ، هه‌ر كه‌س يارمه‌تئيش دؤ خه‌لك به‌ نؤكه‌رش زانؤ، جا ئه‌گه‌ر ده‌سه‌لات دارو پايه به‌رزو دژمه‌نيچش بؤ.

سدئق بابايى

ئالمان